

Акафист преподобному Василиску Сибирскому

Кондак 1

Избрал еси, Господи, угодника Твоего Василиска, измлада сердце чисто даровав в нем, и, дары духовными изрядно его украсив, явил еси земли Сибирской подвижника дивнаго, иже пустыни тяжкая волею претерпевая, молитвы чистыя благодать воистинну стяжа. Темже подвижни и нас, Христе Боже, горняя помышляти, предстательством блаженнаго отца нашего, да поем тому: Радуйся, преподобне отче Василисче, безмолвия велий рачителю.

Икос 1

Ангелов, к Богу воспаряющих, образы святыя издетска с любовью зрел еси, отче Василисче, темже, возрастом еще младенствуя, к Вышнему вознестися помыслил еси, во еже телесными очима славу Божию видети. Егда же по трудех многих криле духовныя Господь тебе дарова, теми в Небесныя обители вознеслся еси. Мы же, сим поучаемы, приносим ти таковая:

Радуйся, издетска в служение Богу избранный;
радуйся, светом Божественнаго разума осиянный.
Радуйся, от млада познавый нищету телесную;
радуйся, воистинну стяжавый нищету духовную.
Радуйся, кротостию и незлобием Ангелом подобниче;
радуйся, истиннаго смирения верным наставниче.
Радуйся, монахом и мирским красоту восхождения явивый;
радуйся, богоугодными делы страну Сибирскую просветивый.
Радуйся, преподобне отче Василисче, безмолвия велий рачителю.

Кондак 2

Видя Господь Всеведец желание твое Ему единому работати и прирев на нрав твой послушливый, умягчи жены твоея сердце, юже родитель твой избра тебе, и по трилетнем воздержании супружеский союз согласно расторгли есте. Ты же, отче, душу твою Христу уневестив, радостне воспел еси Богу: Аллилуиа.

Икос 2

Разумя волю Божию и закону Христову кратко повинуюся, блаженне, тяготы брата твоего, подвижника тайнаго, с любовью понесл еси, в немощех его служа ему усердно; наипаче же вкупе с ним в молитвах прилежа, изрядным о Боже радением многия нерадивыя к

исправлѣнію призвѣ. Мы же, братолѹбіе христіанское твоѣ зряще, сѣце тебѣ взывѣем:

Радуйся, Бѹга пѣче всего земнаго возлюбѣвый;
радуйся, Того Единаго в животѣ твоѣм взыскавый.
Радуйся, яко любовь Божественную мирстѣй любви предпочѣл еси;
радуйся, яко житѣйскую радость на тяготы пустынные пременил еси.
Радуйся, образе смиренномудрия и послушания;
радуйся, правило постническаго воздержания.
Радуйся, помысла чистотою просіявый;
радуйся, яко Марія, благую часть избравый.
Радуйся, преподобне отче Василисче, безмолвия велий рачителю.

Кондак 3

Силою любве ко Господу міра красная отвергл еси, отче Василисче, отшельническое житіе избрав, в немже ревностно подвизаяся, к вящшему постничеству приступил еси, и тако тело твоѣ поклоны и бдению зело утруждая, страсти плотскія воздержанием крайним уставил еси, вопия в смиреніи Бѹгу: Аллилуиа.

Икос 3

Имущу тебѣ велие стремление богоугодно жити, Подвигоположник Господь показа ти самочиния пагубу, и в леса брянския стопы твоя направи, идеже старцу пустынному Адриану в послушание вдался еси, отче, и, яко ветвь, к древу благому привился еси, темже, в трудѣх пустынных зело преспев, иноческим одеянием достойно украсился еси. Мы же взывѣем ти тако:

Радуйся, в пустыню, яко в цветник, с радостию вшедый;
радуйся, подвиги твоими, яко крин сельный, процветый.
Радуйся, нестяжанием зело обогативыйся;
радуйся, воздержанием крепким украсивыйся.
Радуйся, обѣт пустыничества при постриге твоѣм давый;
радуйся, егоже в подвизе добром до конца исполнивый.
Радуйся, псалмы и молитвы Господу присно воспеваый;
радуйся, поклоны земными от дреманія себе возставляый.
Радуйся, преподобне отче Василисче, безмолвия велий рачителю.

Кондак 4

Буря искушений и бесов наветы обступіша тя, хотяще уніи́ем ду́шу твою́ препре́ти, ты же, о́тче Васи́лїсче, болѣзньми воздержанія сі́лу вра́жїю исто́щїл есі́, на ка́мени смире́ния терпѣнием ве́лиим ве́ру твою́ утвердїв, и та́ко немощно́е естество́ о Го́споде укрепля́л есі́, де́нно и но́чно возыва́я Тому́: Аллилу́иа.

Їкос 4

Слы́шавше лю́дие о твоём, о́тче Васи́лїсче, благоче́стнем житїи́ пусты́ннем, стека́хуся к тебѣ, жела́юще с тобо́ю кúпно жїтельствовати и ко спасе́нию тобо́ю наставля́тися, ты же, свя́те, смире́ния їстиннаго испо́лненный, невѣжду себѣ испо́ведую, предпочёл есі́ е́же в безмо́лвии е́дин с Е́диным всегда́ пребыва́ти. Мы же, богому́дре, глаго́лем тебѣ та́ко:

Ра́дуйся, се́рдце твоѣ ми́рови затвори́вый;
ра́дуйся, во́ли Бо́жией все́го себѣ покори́вый.
Ра́дуйся, благоуве́тия и благоче́стия смире́нный учи́телю;
ра́дуйся, словес́ным и безсловес́ным крótкий благоде́телю.
Ра́дуйся, с усер́дием на врага́ спасе́ния противоста́вый;
ра́дуйся, постом и моли́твою де́моны отгна́вый.
Ра́дуйся, ду́ха нищету́ па́че сла́вы челове́ческаго возлюби́вый;
ра́дуйся, в немногосло́вии твоём глубинú му́дрости показáвый.
Ра́дуйся, преподо́бне о́тче Васи́лїсче, безмо́лвия ве́лий рачи́телю.

Конда́к 5

Богото́чный исто́чник духо́вныя благода́ти зря в тебѣ, ю́ный Зосі́ма те́пле моля́ше тя, да учени́к тебѣ приле́жен бу́дет, ты же, о́тче, духо́вными оча́ми про́мысл Бо́жий прозрѣв, я́ко дру́га їскренняго любóвию то́го прия́л есі́; те́мже на путь їночества тобо́ю наставля́емый Зосі́ма радостне воспѣ́ Бо́гу: Аллилу́иа.

Їкос 5

Ви́дя помышле́ние духо́вника́ твоего́, хотя́ща во оби́тель Конѣвскую тебѣ, о́тче, преселі́ти, те́пле моля́ просї́л есі́ то́го, да в отше́льстве своём недви́жимо пребу́деши; оба́че послушанія ра́ди, я́ко во́ли Бо́жией повинúяся, с Зосі́мою вку́пе, е́гоже возлюби́ душа́ тво́я, за ста́рцем своим послéдовал есі́. Мы же, крótость твою́ ублажа́юще, взыва́ем ти сі́це:

Ра́дуйся, Авра́амле послушаніе позна́вый;
ра́дуйся, Їовлю терпѣнію поревновáвый.

Рáдуйся, иноче, в смиреннии и кротости совершенный;
радуйся, в безстрастия ризу оболченный.
Рáдуйся, скудостью пищи тело твоё изнурявый;
радуйся, хлебом Живота вечнаго душу твою насыщавый.
Рáдуйся, простоты жития монашескаго наставниче;
радуйся, чистоты души христианския хранителю.
Рáдуйся, преподобне отче Василисче, безмолвия велий рачителю.

Кондак 6

Проповедуемым словесем Христовым, яко кроток есть и смирен сердцем, воистинну поучился еси, тружениче пустынный, темже и Господь ты zelo утеши, благоволив чрез Зосиму открыти ти сокровище учения о молитве сердечней; ты же, преподобне Василисче, благодарне воспел еси Богу о сем: Аллилуиа.

Икос 6

Возсиял еси на острове Коневском высотю жития твоего, отче досточудне, идеже в делании молитвы вельми возраста, ум твой священным безмолвием просветил еси, и сладость молитвенную имени Иисусова обильно изливаемую вкусил еси, богоблаженне. Мы же, толикое дарование в тебе зряще, смиренно взываем ти:

Рáдуйся, словес евангельских послушателю благодатный;
радуйся, благаго ига Христова носителю благодарный.
Рáдуйся, доброделанием трезвение стяжавый;
радуйся, ума хранением сердце твоё очистивый.
Рáдуйся, благодати Божией хранилище преисполненное;
радуйся, Духа Святаго жилище достойное.
Рáдуйся, высоты Христова разумения достигнувый;
радуйся, ум твой с сердцем в молитве соединивый.
Рáдуйся, преподобне отче Василисче, безмолвия велий рачителю.

Кондак 7

Хотя, преподобне, в Бозе Едином всегда пребывать, ум твой памятованием Христовым от всякия страсти очистил еси, и Духа Святаго благодатию молитву самодвижиму в сердца твоём стяжал еси, темже непрестанно Господеву в любви предстоя, в умилении чистом вопиял еси Ему: Аллилуиа.

Икос 7

Нóвую лéствицу восхождéния чтим тя, богомúдре, ты бо любвé рáди благоволил еси́ моли́твеннаго твоегó о́пыта изложéние, егóже сподви́жник твой и сота́инник Зосíма прилéжный списáтель бысть, по преставлénии твоём на полéзное мíрови яв́ити. Мы же, óтче Василíсче, моли́твенно светíльник сей приéмлюще, в спасíтельной рéвности взыва́ем ти:

Рáдуйся, Христа́ Бóга в сёрдцы твоём вместíвый;
ра́дуйся, íмя Егó спасíтельное во умé всегда́ носíвый.
Рáдуйся, моли́твенную слáдость сёрдцем твоём позна́вый;
ра́дуйся, слез благодáтных потóк умилíтельный источíвый.
Рáдуйся, к Бóгу любóвию вели́кою пламенéвый;
ра́дуйся, я́ко дéйством ея́ сёрдце твоё взыгра́шеся.
Рáдуйся, моли́твы чíстыя священнодействíтелю;
ра́дуйся, сокровéнных Бóжиих тайнозрíтелю.
Рáдуйся, преподóбне óтче Василíсче, безмóлвия вéлий рачíтелю.

Конда́к 8

Стра́нен быв вся́кия слáвы челове́ческа, еди́ныя слáвы Бóжия иски́й, блаже́нне, в пусты́ню вну́треннюю с Зосíмою вёрным удалíтися возжелáл еси́, Василíсче, тёмже, ста́рцем твоём благословéнный, предéл Сибíрских достíгл еси́, иде́же лишéния мно́га претерпева́я, Бóгу в наде́жди воспева́л еси́: Аллилúиа.

Íкос 8

Все упова́ние возложíв на Прóмысл Бóжий и к Пречíстей в моли́твах всегда́ прибега́я, пусты́нниче святы́й, я́ко птíца небéсная попечéние малое о телесí твоём имéл еси́, па́че же воздержáнием мно́гим дух твой укрепíв, красотú исправлénий твои́х вёрным уяснíl еси́, тёмже приими́ от нас сицевáя:

Рáдуйся, узок путь во Цáрствие Небéсное избрáвый;
ра́дуйся, пусты́нничества крест во́лею подъя́вый.
Рáдуйся, страны́ мрáзныя не убоя́выйся;
ра́дуйся, вéтра хлáднаго не устраши́выйся.
Рáдуйся, скóрби и болéзни мýжественно понесíй;
ра́дуйся, Застúпницею усёрдною всегда́ храни́мый.
Рáдуйся, моли́твы храм в сёрдцы твоём воздвигну́вый;
ра́дуйся, труд, терпéние и усёрдие в основáние тогó положíвый.
Рáдуйся, преподóбне óтче Василíсче, безмóлвия вéлий рачíтелю.

Конда́к 9

Всего́ себе́ Го́споду освяти́в, о́тче Васи́лїсче, в болѣзнях жесто́ких Христу́ сраспя́лся еси́ вои́стинну, и в пусты́ни, я́ко во грóбе, Тому́ спогрѣблѣся еси́, блаже́нне, и Бо́га ра́ди мно́гая злострада́ния претерпе́л еси́, но любве́ Христо́вы ника́коже разлучи́ся, при́сно поя́ Ему́: Аллилу́иа.

Ї́кос 9

Ветии́ многоречи́вии умолка́ют, зря́ще твоего́, о́тче Васи́лїсче, жити́я безмо́лвнаго по́двиг: я́ко пла́мя прилежи́т свещи́, тако́ ты, блаже́нне, умом и се́рдцем твои́м вои́стинну Христу́ прилепи́лся еси́. Мы же, таково́е де́йство моли́твы в тебе́ зря́ще, любóвию взыва́ем ти:

Ра́дуйся, Бо́гу в любви́ непреста́нно предсто́явый;
ра́дуйся, благода́ть богообщѣ́ния стяжа́вый.

Ра́дуйся, вели́ких дарова́ний Небе́сных прия́телю;
ра́дуйся, духо́в поднебе́сных ве́лий устраши́телю.

Ра́дуйся, на высоту́ добродѣ́телей восше́дый;
ра́дуйся, Ца́рствие Бо́жие внутре́ себе́ имѣ́вый.

Ра́дуйся, Влады́ки вы́шняго ве́рный служи́телю;
ра́дуйся, исти́нныя ра́дости о Бо́зе благо́й стяжа́телю.

Ра́дуйся, преподо́бне о́тче Васи́лїсче, безмо́лвия ве́лий рачи́телю.

Конда́к 10

Спасѣ́ния ра́ди души́ твоея́, о́тче Васи́лїсче, мно́гая ле́та в пусты́ни неисхо́дно подвиза́лся еси́, и та́мо ста́рости честны́я дости́гнув, на высоту́ добродѣ́тели восше́л еси́, те́мже Госпо́дь поста́ви тя во е́же бли́жних спасѣ́нию послужи́ти, отону́дуже ма́лую бра́тию собра́в, воспѣ́л еси́ Бо́гу: Аллилу́иа.

Ї́кос 10

Стена́ кре́пкая в моли́тве бра́тии пусты́нней был еси́, святы́й Васи́лїсче, ду́хом сокруше́нным, я́ко мечѣм, науча́я тех кова́рства вра́жии посека́ти, и нас ны́не от сна ле́ности жити́ем твои́м богоза́рным пробужда́я, яви́лся еси́ утеше́ния духо́внаго пода́тель. Мы же, по́двиги тво́я ублажа́юще, воспева́ем тя си́це:

Ра́дуйся, в горѣ́нии ду́ха А́нгелом уподо́бивыйся;
ра́дуйся, в добродѣ́лании душе́ю обнови́выйся.

Ра́дуйся, чи́стою моли́твою изря́дно благоукраше́нный;
ра́дуйся, бра́ни невидимы́я во́ине соверше́нный.

Ра́дуйся, правды Бóжией всегда́ алка́вый;
ра́дуйся, ра́я сла́дости ещѣ на земли́ вкуси́вый.
Ра́дуйся, блаженнаго смире́ния добро́ту стяжа́вый;
ра́дуйся, Иерусали́м Небе́сный вои́стинну насле́дивый.
Ра́дуйся, преподо́бне о́тче Васили́сче, безмо́лвия ве́лий рачи́телю.

Конда́к 11

Пе́ние умилѣнное тебе́ прино́сим, блаже́нне о́тче, и успе́нию твоemú с трѣпетомъ внима́ем, и́бо все́льшагося в тя Свята́го Ду́ха де́йство благода́тию оби́льно ду́шу твою́ напитá и все те́ло твоѣ освяти́. Мы же, се́му дивя́щися, вопи́ем Бо́гу о тебе́: Аллилу́иа.

И́кос 11

Свѣтом Божѣственнымъ просвѣщенны́й, о́тче Васили́сче, высоты́ моли́твы непреста́нныя дости́гл еси́, отону́дуже очима́ сердечны́ма Светъ присносу́щный вои́стинну сподо́бился еси́ зрѣти, и́мже вельми́ озарѣнны́й сам светови́ден ве́рным показа́лся еси́, те́мже приими́ от нас тако́вая:

Ра́дуйся, о Го́споде присно́ любому́дрству́яй;
ра́дуйся, от но́щи к Бо́гу у́тренняя́й.
Ра́дуйся, ру́це тво́я в моли́тве ча́сто простира́вый;
ра́дуйся, но́зе тво́я во бде́ниях зело́ претруди́вый.
Ра́дуйся, за́поведи Ева́нгельския до конца́ соверши́вый;
ра́дуйся, обетова́ния Ева́нгельския впра́вду восприе́мый.
Ра́дуйся, я́ко жити́ем твои́м ко благоче́стию нас пробужда́еши;
ра́дуйся, я́ко дея́нии твои́ми на путь спасе́ния нас наставля́еши.
Ра́дуйся, преподо́бне о́тче Васили́сче, безмо́лвия ве́лий рачи́телю.

Конда́к 12

Блаже́н вои́стинну еси́, о́тче Васили́сче, и́бо в клеть се́рдца твоего́ вшед, собесѣдникъ любезенъ Го́сподеви был еси́, и я́ко Серафи́ми любóвию к Нему́ горѣл еси́, и я́коже Херувими́ всегда́ умно́ Его́ зрѣл еси́; ны́не же в несконча́емей ра́дости пребыва́я, и нас науча́еши славосло́вити Бо́га: Аллилу́иа.

И́кос 12

Пою́ще честну́ю па́мь твою́, о́тче Васили́сче, благодарная́ прино́сим ти, и моли́тв благоуха́ние от моще́й твои́х прие́млюще, весе́лия духо́внаго исполня́емся, и тво́я, пустыннолю́бче, труды́ и

болѣзни, Христа ради подъятыя, убожающе, достойно величаем ты словесы таковыми:

Радуйся, звездó, спасения путь ко вратом небесным нам указующая; радуйся, сокровищнице, пребезценный камень, Христа, в себе имущая.

Радуйся, кладезю, духовною влагою обильно нас напаяяй; радуйся, столпе, несокрушимую силу молитвы во брани являяй.

Радуйся, стамно, чудеса донине богато преизливающая;

радуйся, рекó, деянии твоими души верных орошающая.

Радуйся, в скорбех пребывающим скорый и благий помощник;

радуйся, о чтущих тебе теплый и верный к Богу молитвенник.

Радуйся, преподобне отче Василисче, безмолвия велий рачителю.

Кондак 13

О, пустынник дивный, преподобне отче Василисче, к тебе в смирении припадаем, яко стяжавшему велию Духа Святаго благодать: призри с высоты горния на нас, дольными обуреваемых, и подаждь душам нашим молитвами твоими возрастание духовное, во еже чистым умом и сердцем достойно пети Христу Богу нашему: Аллилуиа.

Молитва

(утвержденная в службе 14.07.2018 г., №61)

О, преподобне и богоблаженне отче наш Василисче, безмолвия доблий рачителю и пустынножителю ревностный, умнаго делания смиренный наставник и послушания предивный образе! Ты мира сладости бегая, пустыни непроходная достигл еси, в нейже многая лета, богомыслием озаряем, в трудех пустынных подвизался еси, смиренномудрия глубину ископав; сего ради, яко сокровище пребогатое, сердечныя молитвы сладость утешительную Господь тебе дарова, еже действием великих дарований исполнился еси. Темже молим тя, отче Василисче, возри на ны, унылыя и немощныя, и возгрей в сердцах наших истинную ревность о Христе Иисусе Господе нашем, Иже есть един источник спасения нашего. Буди нам поспешник к высоте духовныя восхождению: ум наш в трезвении бодренном укрепй и дух сокрушен в сердца наша вкорени; наипаче вразумй, научй и усердие неослабное в молитве непрестанней подаждь нам, во еже освятити уста, умы и сердца Христу Богу нашему, Егоже именем отбежат от нас всякая неправда и уныние, диавольским действием составляемая, и да просветятся души наша светом любви Божественныя ко исправлению жития нашего, да не погубнем во огни

аки плевелы, но, яко пшеницу чистую, соберёт ны Господь в житницу Свою Небесную, идеже вси любящии Его в радости нескончаемой пребывают, славяще Отца, и Сына, и Святаго Духа, во веки веков.
АМИНЬ.